

Geno Biigaademigag Moshkinebiigan Wiindamaagewin owi Debwechigaadeg miinwaa Giizhiikigewin

Ntam Inakaaneziwinan Binoojiinig miinwaa Inodewiziwinan Zhichigewinan miinwaa Jordan ado

Naagzowaabmjigewin Maamowi Yaang Dikonigewin

**NAAGSIJIGAN E'DIGO
TEMIGAG**

MOOKAAJIMOWIN.....	1
OWI MAAMOWI YAANG DIKONIGEWIN WEGNESH	2
WEGNESH OWI MAAMOWI YAANG DIKONIGEWIN?.....	2
WEGNESH OWI MAAMOWI YAANG DIKONIGEWIN YAAWONG?.....	2
WENESH E'DIGOYAAD ZHIWE OWI MAAMOWI YAANG DIKONIGEWIN.....	2
<i>Aginzowin 1: Gewe agaa bamigaaziwaad binoojiinig.....</i>	<i>3</i>
<i>Wegnesh owi "Anishinaabeg" edamomigag zhiwe owi Giizhiikigewin ezhi nowendaagwog bamigaaziwaad binoojiinig?.....</i>	<i>4</i>
<i>Ndo ayaaw Anishinaabe dash wiigwa gaawii shkoniganing ngii daasii owi apii agaa bimigowaan endaa-aan. Yaa-aabi ana gwa ndaa debinaan dibagese dibamaadiwin?.....</i>	<i>4</i>
<i>Aginzowin 2: Jordan ado naagzowaabmjigewin / Namegos.....</i>	<i>5</i>
<i>Wegnesh owi "Jordan ado Naagzowaaamjigewin"?</i>	<i>5</i>
<i>Wegnesh owi "Anishinaabeg" edamomgag zhiwe owi Giizhiikigewin ezhi nowendaagwog owi Jordan ado Naagzowaaamjigewin binoojiinig?.....</i>	<i>7</i>
<i>Aginzowin 3: Inodewiziwinan</i>	<i>8</i>
OWI GIIZHIKIGEWIN.....	8
MAAMWIBIIGAN	8
AANIISH MINIK DIBAMAADIWIN AGE DEBINAMAAMBA?.....	9
<i>Aginzowin 1: Gewe agaa bamigaaziwaad binoojiinig.....</i>	<i>9</i>
Ganage Dibamaadiwin.....	9
Aanke Dibamaadiwinan.....	9
<i>Aginzowin 2: Jordan ado naagzowaabmjigewin / Namegos.....</i>	<i>10</i>
Ganage Dibamaadiwin.....	10
Aanke Dibamaadiwinan.....	10
<i>Aginzowin 3: Inodewiziwinan</i>	<i>10</i>
NDO ZHOONYAAM ANA OGIMA DIBAGEWIN ADA BIMIGAADEMIGAD?.....	11
YAA-AABI ANA TENOON AANKE AASGAABIWITAAGEWINAN GEWE ONJI BINOJIINIG MIINWAA INODEWIZIWINAN	11?
MINWAABMJIGAADEG OWI GIIZHIKIGEWIN.....	12
AANIISH APII OWI GIIZHIKIGEWIN AGE MINWAABMJIGAADEG?.....	12
<i>Gichi Kiing Dibaaknige Gamig.....</i>	<i>12</i>
<i>Canadian Bemaadizijig Dibiniweziwinwaa Dikaaknige-abiwin</i>	<i>12</i>
NDAA GIIGID ANA MAAGE NDAA AANWENDAMA OWI GIIZHIKIGEWIN?	13
AANIISH AWAA ZHIWEBAK OWI GIIZHIKIGEWIN SHKWAA MINWAABMJIGAADEG?.....	13
<i>Wenaamjigan 1: Shkwiin zhiwe maamowi yaang dikonigewin.....</i>	<i>13</i>
<i>Gego ana tenoon maanaaji zhiwebiziwinan shkwiing zhiwe maamowi yaang dikonigewinan?.....</i>	<i>13</i>
<i>Wenaamjigan 2: Bamindiziyyin owi maamowi yaang dikongewin.....</i>	<i>14</i>
<u><i>Giisphin gijibiwidiziyaan owi giizhiikigewin, yaa-aabi ana ndaa debinaan zhoonyaa owi canadian bemaadizijig dibiniweziwin dibaaknige-abiwin dibagese dibamaadiwin naaknigewin?.....</i></u>	<i>14</i>
MAMOWI YAANG DIKONIGEWIN WAAJII-EJIG	14

<u>WEGNESH E'GIIGIDOTAMOWAAD OWI MAAMOWI YAANG?</u>	<u>14</u>
<u><i>Gdo giigidotamaagejig dekonigejig</i></u>	<u>14</u>
<u><i>Gdo onashowe waajii-ejig.....</i></u>	<u>15</u>
<u>AANIISH GEWE GIIGIDONINWOG AGEZHI DIBAMAAGAAZIWAAD?</u>	<u>15</u>
<u>ABI GINOOSHINAANG</u>	<u>16</u>
<u>WOSHME ANA GIKENDAMOWIN GDO DOWENDAAN OWI MAAMOWI YAANG</u>	
<u>DIKONIGEWIN MAAGE OWI GIIZHIKIGEWIN?</u>	<u>16</u>
<u>GAMINEZIN ANA AASGAABIWITAAGEWIN MAAGE NAADMAAGEWIN?</u>	<u>16</u>

MOOKAAJIMOWIN

Owi Gichi Kiing Dibaakonige Gamig maampii Gaanada agii minwaabmdaan maanda wiindamaagewin.

Gewe dekonigejig miinwaa Gaanada agii digoshinoog owi \$20 billion giizhiikigewin maanda maamowi yaang dikonigewin gewe onji Anishinaabe binoojiinig miinwaa aanin ado inoodeweziwiniwaan. Giishpin miigsewin, gnimaa gda dibiniwewis owi dibamaadiwin zhiwe maanda Giizhiikigewin.

Maanda wiindamaagewin miigwemigad gikendamowin owi dikonigewin miinwaa owi giizhiikigewin. Woshme miziwe gikendamowin temigad waasamo asabi mazinigan maampii. Gdaa bozibiige awii debinaman shki windamaagewinan owi dibageese dibamaadiwin eni piichitaamigag zhiwe naasaab aankaabiisijiganing.

Maanda wiindamaagewin age gimiinigwon zhiswewin awii bamidiziiyin owi maamowi yaang dikonigewin. Gdaa **bamidiz goweta owi maamowi yaang dikonigewin giizhpin dowendiziiyin dibamaadiwin zhiwe maanda giizhiikigewin.**

Giishpin dowendaman awii shkwiiyin zhiwe maamowi yaang dikonigewin miinwaa miigsewin awii niindaawewin gagwedwewin owi dibamaadiwin zhinda giizhiikigewin, gaawii memkaach gego gda zhichigesii nongo.

Giishpin dowendaman naadmaagewin woshme weweni awii nisastaman maanda wiindamaagewin, temigad waazhi giigidowin gikendamowin maampii niisawiing. Gdaa zhitoon onaakinigan awii ginonad gwaya age nisastamonig owi wiindamaagewin miinwaa nakwetang gdo gagwedwewinan.

OWI MAAMOWI YAANG DIKONIGEWIN WEGNESH

OWI MAAMOWI YAANG DIKONIGEWIN?

Owi maamowi yaang dikonigewin aawan dikonigewin baajigaademigag owa bezhig maage woshme minik bemaadizijig onji gewe gichi niibna bemaadizijig.

WEGNESH MAANDA MAAMOWI YAANG DIKONIGEWIN YAAWONG?

Maanda maamowi yaang dikonigewin aawon owi bkaan enjigewin owi Canadian Ogimaawin gewe Anishinaabe binoojiinig owi miigweng binoojiin azhiwenjigewin, mina bimaadiziwin naagidowenjigewin, miinwaa aanin bkaan nendowendaagwog zhichigewinan.

Owi maamowi yaang dikonigewin wiindamaagemigad onji 1991 apiinish 2022, Gaanada agii bkaan enimaan Anishinaabe binoojiinig endaa jig shkooniganing agaa bimigaaziwaad endaa waad miinwaa agii izhisijigaaziwog zhiwe zaagijiwiing endaa waad biminigewin.

Owi maamowi yaang dikonigewin wiindamaagemigad biitiwiwiing 1991 miinwaa 2017, Gaanada agii bwaaniwitoon awii miigwed (maage agii bwaatawii miigwed) nendowendaagwog zhichigewinan gewe Anishinaabe binoojiinig agaa debiwechigaadeg debwemigag mineziwaad newen nendowendaagwog zhichigewinan. Maanda dodaagewin agii bkaan enjigaaziwog gewe binoojiinig miinwaa biigibidon owi onashowe naaknigewin ezhi gikenjigaadeg Jordan ado Naagzowaabmjigewin.

Apii biboong 2022, gewe waajii-ejig gagetin nakondiwinan agii ani aawon Gaanada waawiindaaged **\$20 billion** gewe goopajichiganag owi bkaan enjigaaziwaad awii naawisijigaadeg owi maamowi yaang dikonigewin (owi **Giizhiikigewin**). Owi nenda gashkitchigaadeg owi Giizhiikigewin aawan awii bagidiniigaadeg dibigese dibamaadiwin gewe agaa zhaabwijig miinwaa ado inodewiziwiniwaan nisidiwiniigaadeg newen wiisigitowinan agaa niibiwitaawaad – abekish gikendamowaad gaawii manjigwo minik zhoonyaa ada naawisijigaadesino ado wiisigitowiniwaa miinwaa gagwaadagendamowin.

WENESH E'DIGOYAAD ZHIWE OWI MAAMOWI YAANG DIKONIGEWIN?

Niswi (3) maamowi yaajig gnimaa adaa debinaanaa-aa dibageese dibamaadiwin zhiwe Giizhiikigewin:

Aginzowin 1 Anishinaabe binoojiinig agaa bimigaaziwaad endaa waad shkoniganing miinwaa agaa izhisijigaaziwog enji biminigaaziwaad biitiwiwiing Ishkigamizige-giizis 1, 1991 miinwaa Onaabidin-giizis 31, 2022.

Aginzowin 2 Anishnaabe binoojiinig agaa nakweshkamowaad zhichigewin dawaag maage agii aagonewetaagaaziwaad maage bwatawindwaa masenjigewin nendowendaagwog zhichigewin biitiwiwiing Ishkigamizige-giizis 1, 1991 miinwaa Baashkaakodin-giizis 2, 2017.

Aginzowin 3

Ado naagidowenjigewin maagwejjig gitiziimiwaan maage naagidowenjigewin maagwejjig ookmisiwaan miinwaa mishomsiwaan.

AGINZOWIN 1: AGAA BIMIGAAZIWAAD BINOOJIIINIG

Zhinda maanda Giizhiikigewin, Anishinaabe binoojiinig shkoniganing endaaJJig maage gewe gnigen gwa bezhig gitiziiman endaanid shkoniganing, maage agii adaad zhiwe Yukon, miinwaa agaa izhisijgaaziwaad awii biminigaaziwaad biitwiwiing Ishkigamizige-giizis 1, 1991 miinwaa Onaabidin-giizis 31, 2022 gnimaa adaa gashkitonaa-aa awii debinamwaad zhoonyaa. Woshme gego awii gikendaman owi dibamaadiwin zhiwe owi Giizhiikigewin, maagibijigen maampii.

Gnimaa gda miigse owi dibamaadiwin giishpin:

- Awiin Anishinaabe;
- Agii daayin shkoniganing maage gnigen gwa bezhig gitziim adaad shkoniganain, maage zhiwe Yukon agii binoojiinwiin (dash gaawii odi Northwest Territories)
- Agii ishisimigwo awii bimingowin binoojiin agii aawiyin biitwiwiing Ishkigamizige-giizis 1, 1991 miinwaa Onaabidin-giizis 31, 2022; miinwaa
- Gdo ishisimigowin agii dibagaademigad owa Gaanada.

Dibagaa demigad	Gaawii Dibagaadesin o
Anishinaabe binoojiinig	Gaawii Anishinaabe Binoojiinig
Binoojiinig shkoniganing eyaajig maage gnigen gwa bezhig gitiziiman endaanid shkoniganing, maage agii adaad Yukon	Binoojiinig endaawaad zagiji shkoniganing, maage zhiwe Northwest Territories
Binoojiinig agaa izhisijgaaziwaad awii biminigaaziwaad biitwiwiing Ishkigamizige-giizis 1, 1991 miinwaa Onaabidin-giizis 31, 2022, newen e'digosing zhiwe: <ul style="list-style-type: none"> • Biminigewin wiigwaaman • Dibizhige Wiigwaam • Gaawii nowendaazisiim Biminigewin Wiigwaaman 	Binoojiinig agaa zhisijgaaziwaad awii biminigaaziwaad <i>jibwaa</i> Ishkigamizige-giizis 1, 1991, maage agaa zhisijgaaziwaad zhiwe: <ul style="list-style-type: none"> • Gaawii debagaadesinag Nowendaazisowin Wiigwaaman • Gaawii debagaadesinag Edenaang etemigag Wiigwaaman

<ul style="list-style-type: none"> • Debagaademigag Nowendaasowin Wiigwaaman • Maamowi Daang Wiigwaaman • Endinizing Naandowechige Wiigwaaman • Bkaan aanin 	
Dibamowaad gewe Gaanada	Dibamowaad gewe kiinsan

Binoojiinig agaa bimigaaziwaad endaawaad jibwaa 1991 digoyaawog aanin bkaan ayaawong owi maamowi yaang dikonigewinan dibishko gonaa “Sixties Scoop” giizhiikigewin. Ninda bebakaan aawinon maamowi yaang dikonigewinan, bkaan zhinaagwog maanda dikonigewin.

WEGNESH OWI “ANISHINAABEG” EDAMOMIGAG ZHIWE OWI GIIZHIKIGEWIN EZHI NOWENDAAGWOG BAMIGAAZIWAAD BINOOSIINIG?

Zhiwe owi Giizhiikigewin, “Anishinaabek” adamoomigad Giizhaa Agaa Yaajig bemaadizijig agaa:

- (i) E’Boozibiigaazijig zhiwe owi Anishinaabeg Bimaakinigaaziwaad:
- (ii) Dibiniweziwin agaa ayaamiwaad awii boozibiigaaziwaad zhiwe owi *Anishinaabeg Bimaaknigaaziwaad* owi apii Mkwa-giizis 11, 2022; maage
- (iii) Agii nakweshkamowaad wiijiiweng nendowendaagwog gnigen gwa apii Mkwa-giizis 11, 2022 (dibishko gonaa, agii digobiigaaziwog owi Shkoniganing Niibidebiigan ado odena)

NDO AYAAN ANISHINAABE DASH WIIGWA GAAWII SHKONIGANING NGII DAASII OWI APII AGAA BIMIGOWAAN ENDAA-AAN. YAA-AABI ANA GWA NDAA DEBINAANAN DIBAGESE DIBAMAADIWIN?

Giishpin bezhig maage neniish gdo gitziimag gagwech agii daawog shkoniganing apii agii zhishimogwin awii biminigowin, gnimaa gdaa gashkitoon awii debinaman dibamaadiwin. Dash, giishpin giin maage gitziimag agii daawaad shkoniganing, gaawii dibiniweziwin gdo ayaaziin owi dibagese dibamaadiwin giishpin dash wiigwa Gaanada agii diba-aang bimigowin zhiwe bezhigwendamowin owi kiins maage waasa-wekamig.

Daapinan maanda dekobiigaadeg gagwedwewin awii nda gikendaman endogwen aji miigsewin maanda Aginzowin:

En Gaawiin

2. Gdo adaa ana shkoniganing maage agii ayowaa ana gnigen gwa bezhig gitziim agaa adaad

(N.B. giishpin agii daayin odi Northwest Territories,

Enh Gaawiin

4. Agii zhisimigo ana biminigowin manjigwa apii biitwiwiing Ishkigamizige-giizis

Enh Gaawiin

Giishpin “Enh” agiizhi nakwetaman kina ninda gagwedwewinan, gnimaa gdaa miigse owi dibamaadiwin. Ginoosh owa

AGINZOWIN 2: JORDAN ADO NAAGZOWAABMJIGEWIN / NAMEGOS

Maampii owi Giizhiikigewin, Anishinaabe binoojiinig agaa ayaamijig zhichigewin dawaag maage agii aagonetaawindwaa maage bwatawindwaa masenjigewin nendowendaagwog zhichigewin biitwiwiing 1991 miinwaa 2017 gnimaa adaa debinaanaa-aa zhoonyaa. Maanda wiji-ewin gagwech gwa azhi gikenjigaademigad “Jordan ado Naagzowaabmjigewin” maamowi yaang, minaadenimind Jordan River Anderson. (Aanowi gwa Jordan ado Naagzowaabmjigewin gaawii agii tesino baamaa 2007, maanda Aginzowin ne-aab apii zhibiigaademigad Ishkigamizige-giizis 1, 1991 agaa zhinkaademigag Namegos.

WEGNESH OWI “JORDAN ADO NAAGZOWAAMMJIGEWIN”?

“Jordan ado Naagzowaabmjigewin” aawon onashowe naaknigewin ndowendaagozid gimaawin awii doodiwaad Anishinaabe binoojiinin naasaab owi nikiiyaa gewe gaawii yaawisiwaad Anishinaabe binoojiinig, miinwaa gaawii zaagitamwaasiwog gechi piitendaagwog zhichigewinan menezawaad. Owi gimaawin aabdeg awii atoon mensendaagwog owa binoojiin ntaam, jibwaa wegwen gwa endinakiing gimaawin maage dibagaagewin azhidendamowin.

Maanda naagzowaabmjigewin agii zhinkaademigad owi onji Jordan River Anderson, owa gaawii agaa debinazig newen zhichigewinan aga gagwetaani minezid zaam gewe gimaawinan agii azhidendwog owi weneshe age diba-ang newen Jordan menezid. Jordan ado Naagsowaabmjigewin naabidad awii gagwekwenjigaadeg owi agaa zhiwebizid Jordan gaawii ada zhiwebisino gewe aanin Anishinaabe binoojiinig.

Woshme gego awii gikendaman owi dibamaadiwin zhiwe owi Giizhiikigewin, maagibijigen maampii.

Gnimaa gwa gdaa miigse awii debinaman dibamaadiwin giishpin:

- Anishinaabe aawiyin (endogwen gwa agii daawin shkoniganing maage zaagiji shkoniganing, e'digosing Yukon miinwaa Northwest Territories);
- Agii minezin nendowendaagwog zhichigewin biitwiwiing Ishkigamizige-giizis 1, 1991 miinwaa Baashkaakodin-giizis 2, 2017; miinwaa
- Agii gagwedwe owi zhichigewin dash agii aagonetaagwo maage bwatawindwaade awii masendaman maanda zhichigewin, maage gaawii agii gagwedwesiin owi zhichigewin dash agii temigad zhichigewin dawaag, zaam owi onji:
 1. tesinag dibagewin
 2. tesinag niigaanziikigaadewin
 3. niigaanziikigaadeg azhidendiwin biitwi Gaanada miinwaa owi kiins / waasa-wekamig
 4. bkaan gego

Dibagaa demigad	Gaawii Dibagaadesin 0
Anishinaabe binoojiinig	Gaawii Anishinaabe Binoojiinig
Binoojiinig agaa debiwechigaadeg owa negijitood e'yaang nagijitowin minezid nendowendaagwog zhichigewin	Binoojiinig agaa mineziwaad gaawii nendowendaagosinag zhichigewin
Agii aagonotaagaaziwog maage bwatawindaagaaziwog misendamowaad maanda zhichigewin maage agii nakweshkaanaa-aa zhichigewin dawaag	Agii aagonotaagaaziwog maage bwatawindaagaaziwog misendamowaad maanda zhichigewin
Zaam owi: <ul style="list-style-type: none"> • tesinag dibagewin • tesinag niigaanziikigaadewin • zhichigewin dawaag • niigaanziikigaadeg azhidendiwin • Bkaan 	Manjigwa owi onji
Biitwiwiing Ishkigamizige-giizis 1, 1991 miinwaa Baashkaakodin-giizis 2, 2017	Jibwaa Ishkigamizige-giizis 1, 1991 miinwaa Baashkaakodin-giizis 2, 2017

**WEGNESH OWI “ANISHINAABEG” EDAMOMGAG ZHIWE OWI GIIZHIKIGEWIN EZHI
NOWENDAAGWOG OWI JORDAN ADO NAAGZOWAAAMJIGEWIN BINOJIIINIG?**

Zhiwe owi Giizhiikigewin, “Anishinaabek” adamoomigad Giizhaa Aгаа Yaajig bemaadizijig maziwe kamig Gaanada (e’digosing Yukon miinwaa Northwest Territories) agaa:

- (i) E’Boozibiigaazijig zhiwe owi Anishinaabeg Bimaakinigaaziwaad:
- (ii) Dibiniweziwin agaa ayaamiwaad awii boozibiigaaziwaad zhiwe owi Anishinaabeg Bimaaknigaaziwaad owi apii Mkwa-giizis 11, 2022; maage
- (iii) Agii nisidwinaagaaziwog aawiwaad waajii-ejig maage debendaagoziwaad Anishinaabe odena apii Mkwa-giizis 11, 2022, miinwaa agii nakweshkaanaa-aa bwatawindaagwin, aagonotaadiwin maage zhichigewin dawaag owi onji nendowendaagwog zhichigewin biitwiwiing Manidoo-giizis 26, 2016 miinwaa Baashkaakodin-giizis 2, 2017.

Daapinan maanda dekobiigaadeg gagwedwewin awii nda gikendaman endogwen aji miigsewin maanda Aginzowin:

Enh Gaawiin

2. Owa ana negijitood e’yaang nagijitowin agii zoongitooon agii mineziyin nendowendaagwog zhichigewin biitwiwiing Ishkigamizige-giizis 1,1991 miinwaa Baashkaakodin-giizis 2, 2017?
(Gikendamowin owi Naagsijigan newen Nendowendaagwog Zhichigewinan temigad

Enh Gaawiin

3. Agii aagontaagwo ana misendaman maanda zhichigewin, maage agii nakweshkaan ana bwatawindaagiwin awii debinaman maanda

Enh Gaawiin

4. Gaawii ana agii gashkitosiin awii debinaman maanda

Enh Gaawiin

Giishpin agii nakwetaman “Enh” ninda gagwedwewinan, gnimaa gdaa

AGINZOWIN 3: INOOEWIZIWINAN

Gewe genowenjigejig gitziimiwaan maage gewe genowenjigejig gikawinan gewe binoojinig agaa biminigaaziwaad endaawaad maage aagonetaagaadeg misendamowaad owi nendowendaagwog zhichigewin gnimaa age adaa gashkitonaa-aa awii debinamiwaad dibagese dibamaadiwin. Maanda digosin gewe oniigi gitziimwaan maage baminaajig gitziiman(waan), maage gikaawin(ag), owa binoojiin. Genowenimaagejig gitziimwaan gaawi digoyaasiiwog.

Dibagaademigad	Gaawii Dibagaadesino
Biminigejig gitziim(an)	Biminaawisajig gitziim(an)
Naagidowenjigejig biminaawisajig gitziim(an)	
Nindogitziim(ag)	
Naagidowenjigejig oniigi okmisan miinwaa mishomsan	
Naagidowenjigejig biminaawisajig okmisan miinwaa mishomsan	

Gechi piitendaagwog, gwonda goweta gewe gitziiman(waan) maage gikaawin(ag) agaa naagidowenimaajig owa binoojiin apii agaa biminigaazad miigsewog awii debinamiwaad dibagese dibamaadiwin – dibishko gonaa, gewe *niigaan nyaagidowenjigejig* – apiinish memaanji niibna gewe niish (2) nyaagidowenjigejig.

Odowemaawaan miinwaa aanin bkaan inoodewiziwiniwaan gewe agaa madookdaagazijig binoojiinig gaawii ada debinaziinaa gagwek dibagese dibamaadiwin zhiwe maanda Giizhiikigewin.

OWI GIIZHIKIGEWIN**MAANDOBIIGAADEG**

Zhiwe owi giizhiikigewin Gaanada ada dibage waawiindamaage **\$20 million** gewe maamowi yaajig. Miinwaa age aanke, Gaanada agii waawiindamaage aanke **\$20 billion** awii diba-ang gichi gnesh naawisijigewin awii nigonigaademigag zhichigewin bkaan enjigewin gewe Anishinaabe binoojiinig. Dash, owi waawiindamaagewin gaawii digosizino zhiwe giizhiikigewin.

Owi Giizhiikigewin aabdeg awii minwaabmjigaademigad newen dibaakonige gamgoon. Giishpin minwaamjigaademigag newen dibaakonige gamgoon, bemaadizijig e'magishinowaad zhiwe Aginzowin 1, Aginzowin 2, maage Aginzowin 3, gnimaa adaa gashkitonaa-aa awii debinamiwaad dibamaadiwin.

Maanda dikonigewin ana bkaan aawan owi Canadian Bemaadizijig Dibiniweziwinwaa Dibaaknige-abiwin dibagese dibamaadiwin giizhendamowin naakinigaazad Gaanada awii dibaged \$40,000 owa ensa bezhig bemaadizid agaa madookidowind?

Owi Giizhiikigewin owi maamowi yaang dikonigewin gmaaminig azhidesin owi Dibaaknige-abiwin dibagese dibamaadiwin giizhendamowin. Owi Dibaaknige-abiwin ada gagwejimigaaziwog awii debiwetowaad maanda giizhikigewin minwenjigaadeg ado dibaamaadiwin dibagewin. Giishpin owi Gichi Kiing Dibaaknige Gamig minwaabmdang owi Giizhiikigewin, maanda Giizhiikigewin ada digonaanan kina gagwedwewinan zhiwe neniish gwa Dibaaknige-abiwin miinwaa owi maamowi yaang dikonigewin. Bezhiig gwa goweta aga dowendaagoz awii zhitowin gagwedwewin owi dibagese dibamaadiwin.

AANIISH MINIK DIBAMAADIWIN AGE DEBINAMAAMBA?

Owi minik zhoonyaa gnimaa age debinaman penimandaagwod dibaamjigaadeg nowonj debwewinan. Ensa bezhi Aginzowin miigwemigad owi dibaamjigaadeg gnagen bangii dibamaadiwin. Miinwaa aanke, gnimaa gda gashkitoon awii debinaman aanke dibamaadiwinan, giishpin aanin debwewinan temigag.

AGINZOWIN 1: AGAA BIMIGAAZIWAAD BINOOJINIG

Ganage Dibamaadiwin

Zhiwe maanda Giizhiikigewin, bemaadizijig agaa bimigaaziwaad endaawaad miinwaa agii zhisijigaaziwaad awii biminigaaziwaa biinoojiin agii aawiwaad, biitwiwiing Ishkigamizige-giizis 1, 1991 miinwaa Onaabidin-giizis 31, 2022, ensa bezhig dibiniweziwin ado yaanaa-aa owi ganigen dibamaadiwin owi

\$40,000.

Aanke Dibamaadiwinan

Aanin bemaadizijig age ada gashkitonaa-aa awii debinamiwaad woshme dibagese dibamaadiwin, penimandaagwog gmaaminig debwewinan. Ninda digosinon, dibishko gonaa:

- Agaa piitiziiwin shkintam agii zhisimigowin zhiwe baminigowin;
- Owi kina minik agaa yaayin enji biminigowin;
- Endogwen agii biminigowin endaawin zaam owi tesinag misenjigaadeg owi nendowendaagwog zhichigewin.
- Endogwen agii daayin Giiwedinand maage bagwadkamig odena;

- Minik n'ching agaa zhisimigowin zhiwe biminogwin; miinwaa
- Minik newen zaagijiwiing endaawin agaa zhisimigowin.

Ninda debwewinan nendaagwodon awii nisidwaabmjigaadeg owi wiisigitowinan agaa mozhitowaad ensa bezhig binoojiin, dibaamjigaadeg bebezahig agaa zhiwebiziwaad.

Owi deminig etemigag miinwaa minik yaawong aanke dibamaadiwinan gnimaa adaa penimandaagwod owi minik eyaawaad gegwedwejjig.

AGINZOWIN 2: JORDAN ADO NAAGZOWAABMJIGEWIN / NAMEGOS

Ganage Dibamaadiwin

Owi ganage dibamaadiwin etemigag gewe debendaagozijig owi Aginzowin 2 penmandaagwod owi *apii* owi nendowendaagwod zhichigewin dawaamigag maage owi aagonetaagaadeg maage bwatawindaagwod owi nendowendaagwod zhichigewin agaa zhiwebak:

Biitiwiwiing Ishkigamizige-giizis 1, 1991 miinwaa
Manido-giiziisons 11, 2007

apiinish \$20,000 maage woshme

Biitiwiwiing Manido-giiziisons 12, 2007 miinwaa
Baashkaakodin-giizis 2, 2017

apiinish \$40,000 maage woshme

Owi gegeti minik ensa bezhig bemaadizid age debinang penimandaagwod owi epiitaag owi madookdaagewin owa binoojiin agaa ayaang, owi minik agaa minwaabmjigaaziwaad gegwedwejjig, miinwaa deminig temigag owi zhoonyaa.

Aanke Dibamaadiwinan

Bebezahig bemaadizijig gnimaa adaa gashkitonaa-aa woshme niibna zhoonyaa awii debinamwaad, zhiwe dnowaa zhiwebiziwanan, giishpin owi aagonetaagaadeg maage bwatawindaagwod nendowendaagwod zhichigewin epiitaag owi madookdaagewin agaa dodaagiwaad. Aanin aanke dibamaadiwinan ada penimandaagwod owi agaa piitaamigag owi madookdaagewin, owi minik menwaabmjigaaziwaad gegwedwejjig, miinwaa temigag deminig owi zhoonyaa.

AGINZOWIN 3: INOOEWIZIWINAN

Gewe genowenjigejjig gitziimiwaan maage gewe genowenjigejjig gikawinan gewe binoojinig agaa biminigaaziwaad endaawaad maage aagonetaagaadeg misendamowaad owi nendowendaagwod zhichigewin gnimaa age adaa gashkitonaa-aa awii debinamiwaad dibagese dibamaadiwin. Owi minik owi zhoonyaa owa gnowenjiged gnimaa age dibiniweziwaad penimaadaagwod owi Aginzowin.

Aginzowin 1: \$40,000 ensa bezhig binoojiin apiinish memaanji niibna owi \$60,000.

**Genowenjigejig
gewe agaa
bamigaaziwaad
binoojiinig**

Aginzowin 2: Owi minik zhoonyaa gaawii agii zhisijigaadesino nongo megwaa. Dinenjigaademigad
Genowenjigejig gewe genowenjigejig gitziimiwaan maage gewe genowenjigejig gikawinan gewe
owi Jordan ado binoojinig memdage agaa gichi madookidaaziwaad ada debinaanaa-aa gagwek
Naagzowaabmjigew dibagese dibamaadiwin. Owi minik zhoonyaa owa ensa bezhig genowenjiged gnimaa
in age debinang ada penimandaagwod minik menwaabmjigaaziwaad gegwedwejig.
miinwaa
Namegos binoojiinig

Odowemaawaan miinwaa aanin bkaan inodewiziwiniwaan gewe agaa madookdaagazijig binoojiinig gaawii ada debinaziinaa gagwek dibagese dibamaadiwin zhiwe maanda Giizhiikigewin.

Awii nda-gikendaman miinik zhoonyaa age debinamiba, maagibijigen zhinda.

NDO ZHOONYAAM ANA OGIMA DIBAGEWIN ADA BIMIGAADEMIGAD?

Zhoonyaa e' debinigaadeg zhiwe owi Giizhiikigewin gaawii ada tesino gichi ogimaa dibagewin Miinwaa aanke, Gaanada agii inendam awii wiji-nakiimaad kiinsan miinwaa waasa wekamigan awii bagajiyaamigag ninda minik zhoonyaa owi kiinsan ogimaa dibagewinan maage yaa-aabi aanin mamoongewinan.

YAA-AABI ANA TENOON AANKE AASGAABIWITAAGEWINAN GEWE ONJI BINOJIIINIG MIINWAA INODEWIZIWINAN?

Miinwaa aanke maampii shpiming ezhi biigaadeg, owi **\$50 million** gnowenjigaadeg zhoonyaa ada zhichigaademigad awii aasgaabiwitaagaaziwaad Anishinaabe binoojiing miinwaa inodewiziwinan nowonji nikiiyaa. Maanda digosin, dibishko gonaa:

- Zhoonyaa miigweng awii gagaandinigaadeg inaadiziwin, odenwin miinwaa noojimowin-onjibaamigag zhichigewinan gewe maamowi yaang dikonigewin waajii-ejig miinwaa ado binoojiinimiwaan;
- Aasgaabiwitaagewin gewe binoojiing beminigaazijig, maage agaa biminigaaziwaad, e'digotemigag zhoonyaa owi inodewiziwinan miinwaa odenwin ne-aab maamowi yaawaad;
- Zhoonyaa awii gagaandanamiwaad misenjigaadeg inaadiziwin nankiiwin, danakmigiziwin miinwaa aasgaabiwitaagewin (dibishko gonaa, eshkiniigijig wiijiindiwinan, manidokewinan, iniwewinan, Gechi Piitizijig miinwaa Gikendaasowin Nyaagidowendamajig, mekowetaagozijig, akiing onjibaamigag

danakimigiziwin, miinwaa inaadiziwin onjibaamigag nanaakawi-mamazinidoodamowin miinwaa minendaagoziwin);

- Aasgaabiwitaagewinan gewe binoojiinig zaagijyaawaad owi baminigewin (dibishko gonaa waankiiwendaagwog miinwaa wenpanag endaawin, bimaadizing mina maajiishkaang nigajitowinan miinwaa njike adaang, zhoonyaa naaagidowenjigaadeg nagadendamang, aanke gikino-maadiwin, mina bimaadiziwin miinwaa mina yaawin aasgaabitaagewinan, miinwaa aanin yaa-aabi);
- Bamiikamowaad owi zhichigaadeg owi skooniwin dibagaadeg owi Jordan ado Naagzowaabmjigewin Maamowi Yaang Dikonigewin miinwaa ado binoojiinimiwaan; miinwaa
- Maajiishkaachigaademigag owi maziwe kiing wiijindiwin gewe Anishinaabe binoojig beminigaazijig.

MINWAABMJIGAADEG OWI GIIZHIKIGEWIN

AANIISH APII OWI GIIZHIKIGEWIN AGE MINWAABMJIGAADEG?

GICHI KIING DIBAAKNIGE GAMIG

Owi Gichi Kiing Dibaaknige Gamig ada ayaan bazindaajigewin awii giizhendamang endogwen owi Giizhiikigewin aji minwaabmjigaadegiba. Owi bizindaajigewin ada temigad odi Ottawa apii **Waabaagbagaa-giizis 19 apiinish 23, 2022**. Moshkin awaa dazhinjigaadeg owi bazindaajigewin ada masinaakogaade maampii miinwaa age moshkin age zhichigeng awii ayaang owi waasamo-asabi biiwaabikong bazindaajigewin giishpin giizhising.

Gnimaa gwa owi giizhigad adaa aanjichigaademigad. Bozibiigen maampii awii debinaman wiindamaagewinan owi waasamo biiwaabikons zhibiigan wegwen gwa aanjichigaademigag owi apii miinwaa waanji temigag owi bazindaajigewin.

CANADIAN BEMAADIZIJIG DIBINIWEZIWINWAA DIBAAKNIGE-ABIWIN

Owi Giizhiikigewin aabdeg awii nda gikenjigaademigad gewe owi Canadian Bemaadizijig Dibiniweziwinwaa Dikaaknige-abiwin. Owi Dikaaknige-abiwin ado nda gikenjigewin dinenjigaademigad awii giishichigaadeg jibwaa owi bizindaajigewin odi Gichi Kiing Dibaaknige Gamag.

Maanda Dikaaknige-abiwin ada gagwejimigaaza awii debwetowaad giishpin owi Giizhiikigewin minwenjigaadeg owi zhaazhigwa dibagese dibamaadiwin naaknigewin azhidi Gaanada (owi **Dibagese Dibamaadowin Naaknigewin**). Giishpin debwetowaad, owi Giizhiikigewin adaa naabshkaan owi Dibagese Dibamaadowin Naaknigewin. Amii maanda edamoomigag gewe gegwedwejjig aabdeg adaa dowaabmdaanaa-aa dibagese dibamaadiwin zhiwe owi Giizhiikigewin meshkod owi Dibagese Dibamaadowin Naaknigewin.

NDAA GIIGID ANA MAAGE NDA AANWENDAMA OWI GIIZHIKIGEWIN?

Gaawii memkaach gdaa zhaasii enji dizhinjigewin awii miigwewin enendaman owi Giizhiikigewin, dash wiigwa gdaa azhaa giishpin dowendaman.

Giishpin dowendaman awii dibaajimowin enendaman maage aanwendaman owi Giizhiikigewin, tenoon niish (2) nikiiyaa age zhichigemba:

Zhibiigewin: Gdaa miigwenan enendaman zhibiigan maampii azhi niindaaweng: PO Box 7030, Toronto ON M5C 2K7 maage fnchildclaims@deloitte.ca. Gdo indendamowin e'zhibiiman ada niindaawen odi Gichi Kiing Dibaaknige Gamig jibwaa bizindaajigeng. Awii digo temigag, kina ezhibiigaadegin inendamowinan aabdeg ada debinigaadenon jibwaa **Waabaagbagaa-giizis 12, 2022.**

Iyaayin zhiwe: Gdaa gagwedwe awii dinaangidonan enji bazindaajigeng owi Giizhiikigewin apii Waabaagbagaa-giizis 19 apiinish 23, 2022, iyaayin zhiwe maage waasamo biiwaabikong mazinesin. Giishpin dowendaman awii kidiyin enendaman maage aagonetaadiman iyaayin zhiwe, aabdeg age niindaawen gdo gagwedwewin awii dinaangidonan odi dzhinjigewining jibwaa **Waabaagbagaa-giizis 12, 2022.**

Gdo ayaan age zhisewin awii kidiyin enendaman newen nangidaasowinan gewe giigidoninwog agaa nakiitamowaad owi maamowi yaang dikonigewin. Woshme gego awii gikendaman gewe giigidoninwog miinwaa ado nangidaasowinan, maagibijigen maampii.

AANIISH AWAA ZHIWEBAK OWI GIIZHIKIGEWIN SHKWAA MINWAABMJIGAADEG?

Wijji yaayin zhiwe Giizhiikigewin giishpin nendaman. Giin gdaa giizhendaman giishpin dowendaman awii wijji-ewin miinwaa zhitowin gagwedwewin owi dibamaadiwin. Ninda eni zhibiigaadeg aawinon gdo wenaamjigewinan:

WENAAMJIGAN 1: SHKIWI-AAN ZHIWE MAAMOWI YAANG DIKONIGEWIN

Giishpin dowendaman awii ayaayin zhiwe maamowi yaang miinwaa awii niindaawewin gagwedwewin owi dibamaadiwin zhiwe Giizhiikigewin, gaawii memkach gego gdaa zhichigesii nongo megwaa. Owi apii owi Giizhiikigewin minwaabmjigaadeg owi dibaaknige gamig, aga miingo gikendamowin owi nikiiyaa waazhi zhitowin gagwedwewin.

GEGO ANA TENOON MAANA AJI ZHIWEBIZIWINAN SHKWIING ZHIWE MAAMOWI YAANG DIKONIGEWINAN?

Wijji-yaang zhiwe maamowi yaang dikonigewin gaawii ada madookdaagemigasno gego gimaawin aasgaabiwitaagewinan gnimaa e'debinaman maage dibiniweziwin awii debinaman niigaan ani aawong wegwen gwa onji gamaawin.

Owi wijji-yaayin zhiwe maamowi yaang dikonigewin, gdaa niindaawen gagwedwewin owi dibagese dibamaadiwin zhiwe owi Giizhiikigewin. Dash, gaawii maamda miinwaa aji dikonad Gaanada, maage gagwedwewin odi Canadian Bemaadizijig Dibiniweziwinwaa Dikaaknige-abiwin, owi onji bkaan enjigewin dodamowin.

Gaawii gego zhiwe Giizhiikigewin gdo nigaabinigsii awii daapinam onashowe doodamowin wegwen gwaa gego bkaan majidoodamowinan gaawii e'digosizinag zhinda maamowi yaang dikonigewin, maage maajitaawin dikonigewin owi kiins, waasa wakamig maage nakii gamig.

WENAAMJIGAN 2: BAMINDIZIYIN OWI MAAMOWI YAANG DIKONGEWIN

Giishpin dowendiziiyin awii wijiwwewin zhiwe maamowi yaang dikonigewin, gdaa gagwedwe awii bimogowin owi dikonigewin. Gda zhichige maanda moshkinbiiman [Gajibiwidiziyin Moshkinebiigan](#) waasamo biiwaabikong maage niindaawewin mazinaakizigan maanda ezhi niindaaweng: PO Box 7030, Toronto ON M5C 2K7 maage waasamo biiwaabkoons zhibii'igan odi fnchildclaims@deloitte.ca mazinaakizigan naadaaweng odi 416-815-2723. **Giishpin gijibiwidiziyin owi maamowi yaang dikonigewin, giin GAAWII aga debinaziin dibagese dibamaadiwin zhiwe maanda Giizhiikigewin.**

Miinwaa age gdaa ginoonaa owi Naagaanziitang owi Giizhiikigewin gigidawin 1-833-852-0755. Owi shkwaach giizhigad awii gijibiwidiziyin owi maamowi yaang dikonigewin aawan: **Mkwa-giizis 19, 2023.**

GIISPHIN GIJIBIWIWIZIYAAN OWI GIIZHIKIGEWIN, YAA-AABI ANA NDAA DEBINAAN ZHOONYAA OWI CANADIAN BEMAADIZIJIG DIBINIWEZIWIN DIBAAKINGE-ABIWIN DIBAGESE DIBAMAADIWIN NAAKNIGEWIN?

Gaawii. Giishpin minwaabmjigaadeg owa Canadian Bemaadizijig Dibiniweziwin Dibaaknige-abiwin, owi Giizhiikigewin ada naabshkaan owi Dibagese Dibamaadowin Naaknigewin nakiiwin kina gwa. Maanda adamoomigad gewe gegwedwejjig goweta daa gagwedwewog zhoonyaa zhiwe owi Giizhiikigewin. Giishpin gijibiwidiziyin owi Giizhiikigewin, gaawii maamdaa aji gagwedwewin dibagese dibamaadiwin owi onji bkaan enjigewin dodamowin.

MAMOWI YAANG DIKONIGEWIN WAAJII-EJIG

WEGNESH E'GHIGIDOTAMOWAAD OWI MAAMOWI YAANG?

GDO GHIGIDOTAMAAGEJIG DEKONIGEJIG

Owi Assembly of First Nations aawowi dekoniged. Owi maamowi yaang dikonigewin agii biijigaademigad gwanda eni zhibiigaazijig bemaadizijig gewe onji agaa madookdaagaazijig Anishinaabeg miziwe kiing Gaanada:

- Xavier Moushoom
- Jeremy Meawasige
- Jonavon Joseph Meawasige
- Ashley Dawn Louise Bach
- Karen Osachoff

- Melissa Walterson
- Noah Buffalo-Jackson
- Carolyn Buffalo
- Dick Eugene Jackson
- Zacheus Joseph Trout

Amii gwonda gdo giigidoowinag dekonigejig. Gewe aawiwog e'giigidootamaagejig owi kina maamowi yaang dikonigejig

GDO ONASHOWE WAAJII-EJIG

Owi maamowi yaang dikonigewin gigidootamaagewog owi naanan (5) onashowe nankiijig miziwe kiing Gaanada:

- Sotos LLP
- Kugler Kandestin LLP
- Miller Titerle + Co.
- Nahwegahbow Corbiere
- Fasken Martineau Dumoulin LLP

AANIISH GEWE GIIGIDONINWOG AGEZHI DIBAMAAGAAZIWAAD?

Gaawii memkaach aga dibamowaasiig giigidoninwog, maage gwayaa bekaanzid, awii wiiiii-ewin maanda dikonigewin maage awii debinaman dibaamaadiwin zhiwe owi giizhiikigewin.

Gewe giigidoninwog adaa dibamaagaaziwog owa Gaanada, bakaan miinwaa zaagiji owi Giizhiikigewin. Newen enigindeg gaawii ada onjibaamigasino zhiwe Giizhiikigewin, maage newen dibaamaadiwinan awaa miinigaaziwaad maamowi yaang dikonigewin waajii-ejig. Newen giizhiikigaadeg zhoonyaan (\$20 billion) agii bakesijigaadenon gewe maamowi yaajig *goweta*.

Owi minik awaa dibamaagaaziwaad giigidoninwog ada nakomidiwinigaade bkaan biitwi giigidoninwog miinwaa Gaanada, miinwaa ada penimadaagwog owi dibaaknige gamig minwaabmdamiwaad. Owi minik enigindeg gaawii ada madookdaagemigasino gdo gashkitowin awii debinaman zhoonyaa zhiwe owi Giizhiikigewin.

Woshme dibaajimowin newen onashowe enigindeg age gagwedweng ada mazinaakogaadenon zhinda owi nakomidiwin giizhiitaamigag.

ABI GINOOSHINAANG

**WOSHME ANA GIKENDAMOWIN GDO DOWENDAAN OWI MAAMOWI
YAANG DIKONIGEWIN MAAGE OWI GIIZHIKIGEWIN?**

Woshme gikendamowin owi dibaaknigewin adaa makigaademigad odi www.fnchildcompensation.ca

GAMINEZIN ANA AASGAABIWITAAGEWIN MAAGE NAADMAAGEWIN?

Aasgaabitaage zhichigewinan temigadoon ginonind owa Gagwedwewinan Naagaanziitang odi 1-833-852-0755. Giishpin moozhitowin animendaman miinwaa dowendaman awii ginoonad ginoondaaged, aga bigosenimigwo awii giigidawin owi Hope for Wellness Helpline od 1-855-242-3310, maage maajibijigen zhinda awii dinaangidonan.

Miinwaa age gdaa giigid odi Assembly of First Nations Helpline odi: 1-888-718-6496

Woshme gego awii gikendaman gdo wenaamjiganan miinwaa awii gikendaman endagwen aji digoyaayin, aga bigosenimigwo awii zhaawin: www.fnchildcompensation.ca maage giigidan odi 1-833-852-0755.

Woshme gego awii gikendaman owi Giizhiikigewin miinwaa gdo wenaamjigewinan, aga bigosenimigwo awii ginoonad:

- Gagwedwewin Naagaanziitang odi: 1-833-852-0755
- Assembly of First Nations odi: 1-888-718-6496